

UGOVOR O JEDNOKRATNOM IZNAJMLJIVANJU TEHNIČKE OPREME ZA POTREBE ORGANIZACIJE DOGAĐAJA POD NAZIVOM „20 godina postojanja J.P. Televizija Kantona Sarajevo d.o.o. Sarajevo“

Zaključen dana 05-09-2018.godine, u Sarajevu između:

1. **J.P. „SARAJEVO“ d.o.o.**, ul: Brodac 1 Sarajevo, ID: 4202276050008, koga zastupa direktor Esad Tanović dipl.ing.el. (u daljem tekstu: zakupodavac)
2. **J.P. TELEVIZIJA KANTONA SARAJEVO D.O.O.**, ul. Bulevar Meše Selimovića broj 12, 71000 Sarajevo, ID: 4200556770003, koje zastupa direktorica Edina Fazlagić (u daljem tekstu: zakupoprimec)

Ovaj ugovor se zaključuje nakon provedenog postupka direktnog sporazuma.

Strane su slobodnom, ničim i ni od koga ometanom voljom ugovorile sljedeće:

Član 1.

I PREDMET UGOVORA

Ugovorne strane su se sporazumijele da sklope ugovor o iznajmljivanju tehničke opreme J.P. „SARAJEVO“ d.o.o. i to (290 stolica, govornica,-1 kom, barski stolovi 10-kom, 4 zvučnika+4 mikrofona) u cilju organizacije događaja povodom obilježavanja „20 godina postojanja J.P. Televizija Kantona Sarajevo d.o.o. Sarajevo“, a koji događaj će se održati u objektu Vijećnice.

Ugovor će se realizovati na dan **05-09-2018 godine.**

Član 2.

II OBAVEZE ZAKUPOPRINCA

- Da izvrši uplatu za korištenje tehničke opreme u skladu sa članom 4. i 5. ovog ugovora.
- Da poleganje električnih i komunikacionih kablova po objektu gradske Vijećnice Sarajevo, koji su neophodni za održavanje događaja uradi u skladu sa važećim propisima te da za isto izda odgovarajuću potvrdu potpisanu od stručnog/ovlaštenog lica;
- Da tehničku opremu koju posjeduje J.P. „SARAJEVO“ d.o.o., a koja je neophodna za organizaciju događaja, su obavezni uzeti od J.P. SARAJEVO d.o.o.,
- Potpisati zapisnik i izvršiti pregled prostorija i tehničke opreme koji će se koristiti za održavanje događaja prije i nakon održavanja istog;
- Nadoknaditi eventualno prouzrokovanu štetu na objektu Vijećnice ili tehničkoj opremi, do koje je došlo usljed održavanja događaja. Procjenu o eventualno nastaloj šteti sačiniti će ovlašteno stručno lice.
- Da najkasnije u roku od 5 sati prije održavanja događaja, putem e-maila obavijesti J.P. „SARAJEVO“ d.o.o. o eventualnim promjenama ili dodatnim zahtjevima.

Esad Tanović



Član 3.

III OBAVEZE ZAKUPODAVCA

- Da će ustupiti na korištenje tehničku opremu definisanu u članu 1. ovog ugovora, potpisati zapisnik i izvršiti pregled prostorija i tehničke opreme koja će se koristiti za održavanje događaja, prije i nakon održavanja istog:

IV CIJENA KORIŠTENJA TEHNIČKE OPREME I NAČIN PLAĆANJA

Član 4.

Cijena jednokratnog najma tehničke opreme, bliže opisanih u članu 1 ovog Ugovora, iznosi **1.670,00KM bez uračunatog PDV-a.**

Član 5.

Zakupoprimac se obavezuje iznos novčanih sredstava bliže definisanih u članu 4. ovog ugovora, platiti nakon održanog događaja, a plaćanje će se vršiti putem transakcijskog računa broj: 3387302205296356, otvoren kod Unicredit Banke d.d. Sarajevo, a rok za plaćanje fakture je 7 (sedam) dana od datuma ispostavljene fakture.

V TRAJANJE UGOVORA

Član 6.

Ovaj ugovor se zaključuje na određeno vrijeme, do okončanja usluge iz člana 1. ovog Ugovora.

Član 7.

VI PRESTANAK UGOVORA

Ugovor o zakupu prestaje istekom vremena na koji je zaključen.

Član 8.

Zakupodavac može jednostrano raskinuti ovaj ugovor iz sljedećih razloga:

- Ukoliko zakupoprimac koristi tehničku opremu zakupodavca u svrhu protivnu ovom ugovoru
- Ukoliko zakupoprimac u toku korištenja tehničke opreme zakupodavca postupi suprotno obavezama definisanim u članu 2 ovog ugovora.

Član 9.

Ugovorne strane su saglasne da će i u slučaju otkaza, odnosno po isteku važnosti ugovora, dovršiti započete poslove i da će izvršiti sve međusobne obaveze koje su preuzeli prije otkaza ovog ugovora.

Član 10.

VII ZAVRŠNE ODREDBE

Ugovorne strane su saglasne da će koordinirati sve daljnje korake u realizaciji prava i obaveza iz ovog Ugovora, i saglasne su da u realizaciji međusobnih obaveza vrše kontakte putem telefona, e-mail-a ili da održavaju sastanke. U tu svrhu, Ugovorne strane utvrđuju da će: JP „SARAJEVO“ d.o.o. predstavljati: Meliha Fazlić, broj telefona u uredu: 033 292-818 broj mobitela 062 117-811, e-mail: TV SARAJEVO, predstavljati: Muamer Jakubović, komercijalist/ menadžer prodaje, tel. u uredu: 033/776-821, mob: 061/734-538. e-mail: muamer.jakubovic@tvsa.ba.



Ukoliko dođe do promjene podataka o predstavnicima JP „SARAJEVO“ d.o.o. i TV SARAJEVO ugovorna strana kod koje je došlo do promjene se obavezuje o istom informisati drugu ugovornu stranu bez odlaganja. U protivnom, strana koja je propustila da izvrši informisanje, sama snosi moguće posljedice tog propusta.

Niti jedna izmjena ili dopuna ovog Ugovora nema važnost prije nego što bude potvrđena od obje ugovorne strane u pismenoj formi.

Član 11.

TV SARAJEVO se obavezuje da će Povjerioca obavijestiti o svakoj promjeni adrese sjedišta najkasnije u roku od 15 dana od dana nastanka promjene. Ukoliko se TV SARAJEVO ne bude pridržavao obaveze iz stava 1 ovog člana, ugovorne strane su saglasne da će se svaki dopis kojeg JP „SARAJEVO“ d.o.o. uputi TV SARAJEVO (obavijestil, opomene i dr.) na adresu sa kojom raspolaže u datom trenutku smatrati da je uredno dostavljen.

Član 12.

Ovaj ugovor, eventualni budući ugovori i aneksi ugovora, bitni elementi ugovora i drugi podaci koji će nastati kao rezultat poslovne saradnje, predstavljaju poslovnu tajnu, koju su obje strane dužne čuvati i nakon eventualnog prestanka poslovne saradnje.

Član 13.

Za sve što nije dogovoreno ovim ugovorom, primjenjivaće se odredbe Zakona o obligacionim odnosima.

Član 14.

Sve eventualne sporove ugovorne strane će rješavati sporazumno. U slučaju da strane ne uspiju riješiti spor, za rješavanje spora stvarno i mjesno je nadležan sud u Sarajevu.

Član 15.

Ovaj ugovor je sačinjen u 2 (dva) istovjetna primjerka od kojih svaka ugovorna strana zadržava po jedan primjerak.

J.P. TELEVIZIJA KANTONA SARAJEVO D.O.O

Direktor
Edina Fazlagić

Edina Fazlagić

19. 04. 2018. g.

J.P. „SARAJEVO“ d.o.o.

Direktor
Esad Fazlagić dipl.ing et

Esad Fazlagić

BROJ: 02-15-1266/18

JP

